



partii naleraq

4.okt 2019

UKA2019/155

**Allagaateqarfeqarneq pillugu Inatsisartut inatsisaata allanngortinneqarnera pillugu  
Inatsisartut inatsisaat nr. xx, xx. xxx 2019-imeersoq**

(Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq)

Matumuuna allagaateqarfeqarneq pillugu Inatsisartut inatsissaattut siunnersuut Naalakkersuisut saqquummiussaas pillugu oqaaseqassaagut.

Nunatsinni inuiaqatigiinni nutaanngoriartuinnartuni soorunami paasissutissat isumannaatsumik pigineqarnissaat pingaarluinnartoq oqaatigerusuppapruput, aammalu isumannaatsumik oqaluttuarisaanermut pingaarutillit paarineqarnissaat pingaaruteqarluinnartoq oqaatigissavarput.

Oqaluttuarisaaneq kingumut qiviaraanni ajoraluartumik nunatsinnut tunngasut oqaluttuarisaanermut tunngasorpasuit katersugaatillu annaasimasagut annertoqaat.

Pissutsit tamakku uteqqinneqassanngippata isumannaatsumik toqqortaateqarnissarput isumannaallisartariaqarparput, kinaassuserput oqaluttarisaanermimmat, aammalu kinguassatta sukulluunniit paasiumasaqarunik paasisariaqarpaat qanga pissutsit imaassimasut allatulluunniit aammalu sapinngisamik atortussaminnik paasiniaanerminni pissarsisinnaasariaqarlutik matumanilu toqqortaatinik isumannaallisaniarneq isumatusaanerusoq oqaatigisariaqarparput.

Uani siunnersuummi Nunatta Katersugaasiviata allagaateqarfiatalu kissaatigisimagaat Siulittaasup nalakkersuisoqarfiani toqqortaatit inatsisinik katersat aammalu assigiinngitsunik toqqortaatit toqqorneqarsinnaanerannut periarfissanik pilersitsisoqarnissaa tamannalu kissaatigineqartoq inatsisiliornikkut naammassineqarsinnaanngulersoq tapersissavarput.

Taamatullu aamma toqqortaatit attartorneqarsinnaanerinit tunngasut ajornannginnerulernissaat qulakkeerniarneqarpoq, kiisalu aamma pisortat oqartussaasuisa nalunaartussaataitanerat inatsimmik tunngavissillugu aammalu inunnut tunngasut paasissutissat isumannallisarnissaat ataqtigissarnissaallu qulakkerniarneqarluni.

Taamatut oqaaseqarluta ataatsimiititaliami suliarineqarnissaa innersuusutigaarput.

Hans Enoksen